

Ո Ր Ո Շ ՈՒ Մ N 94

վարչական գործի վարույթը կարճելու մասին

18 մայիսի 2022թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետ Հայկ Միրզոյանս, քննելով Ռևազ Խոսիտաշվիլիի (Վրաստանի Հանրապետության քաղաքացի, անձն. 11AA55548) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Ռևազ Խոսիտաշվիլին (Revaz Khositashvili) 14.05.2021 թվականին թիվ 05100022/140521/0000642463 մաքսային մուտքի օրդերով 365 օր ժամկետով՝ մինչև 14.04.2022 թվականը ՀՀ տարածք է ներմուծել FORD TRANSIT մակնիշի, SS764YY պետհամարանիշի, WFOLXXGBVLWM56530 նույնացման համարի, 1998 թվականի արտադրության ավտոմեքենա, սակայն խախտել հետագա արտահանման պարտավորությունը:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի պետի տեղակալի կողմից 16.05.2022 թվականին Ռևազ Խոսիտաշվիլիի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում» ազատ

շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 18.05.2022 թվականի թիվ Ն/2-4/85506-2022 գրությամբ տրամադրված տեղեկությունների համաձայն Ռևազ Խոսիտաշվիլին 14.05.2021 թվականին Բավրայի սահմանային անցակետով ՀՀ է ներմուծել FORD մակնիշի, SS764YY պետհամարանիշի ավտոմեքենա, որը 14.05.2021 թվականին Բավրայի մաքսային կետով արտահանել է ՀՀ-ից:

Այսպիսով, վարչական վարույթի նյութերով հիմնավորվում է, որ Ռևազ Խոսիտաշվիլիի գործողություններում բացակայում է իրավախախտման դեպքը:

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդվածի 1-ին մասով, ՀՀ մաքսային օրենսգրքի 221-րդ հոդվածի 1-ին կետի «բ» ենթակետով՝

Ո Ր Ո Շ Ե Ց Ի

1. Ռևազ Խոսիտաշվիլիի նկատմամբ վարչական գործի վարույթը կարճել իրավախախտման դեպքի բացակայության պատճառաբանությամբ:
2. Որոշման մասին հայտնել Ռևազ Խոսիտաշվիլիին:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

Հ.ՄԻՐԶՈՅԱՆ